

Tributo special riba aniversario di D-Day

Recordando un Heroe

Skirbi pa: Monica Etlien Oduber

Awe 75 aña pasa Aruba a hunga un rol grandi den liberacion di Europa for di e garanan di e Fuhrer bon manipulado di massa. Aki e refinaria di mas grandi na Mundo, Lago Oil and Transport Company (Lago) di combustibile pa avion di e tempo ey tabata estableci bao di Esso.

Pesey Aruba tabata obhetivo di atake di e armada Aleman. Bou di tur e menazanan e sistema di enfriamento di e planta grandisimo ey a tranca net prome di e plan di e aliadonan pa ataca via aire y e combustibile pa avion tabata necesario pero no por a entrega y mester a pospone e fecha di atake.


Mientras tanto na Aruba tabata circula un memo den refinaria cu ta pidi un voluntario pa haci e trabao sumamente peligroso cu por ta fatal. Porfin un homber di gran valor a tuma e reto despues cu e memo a circula dos siman sin ningun reaction di ningun hende ni di e propio Mericanonan.

E trabao tabata consisti di corta basta bara di hero cu tabata fungi como filter pa e suction di awa di lama cu a worde domina di barnacles, un tipo di cocolishi cu ta crece den lama cu ta stroba e filtracion di awa dreña y fria e sistema cu a ocasiona shutdown di refinaria.

No tabatin equipo adecua tampoco pa e trabao! Cu un equipo inferior y solamente cu cierto indicacionnan di kico mester a haci sin preparacion adecua e homber aki cu un curashi sumamente grandi a baha den lama lagando atras como 30 hende riba dock sperando ansiosamente riba su retorno incluyendo 5 doñonan.

Cu lagrimanan na su wowonan e tabata conta, con el a soporta cortando, multi miyon shocknan di electricidad den full su curpa cu e tabata sinti hasta den su huña, lenga, wowo y den su partinan intimo pero e mester a persevera y sigui y si e mik den cierto direction mas ariba of abao e tin chance di sucumbi na e shocknan.

Mane cu el a logra y sali for di lama y a haci señal na dock, di leu e tabata observa




e alegria cu a resona eyriba. Un gritamento y bulamento den aire y hasta e doñonan cu tabata bisti ful na blanco, cu dashi y zapato preto a tira nan sombranan caro di panama den aire. Mane el a sali for di lama nan a hibe den sala VIP di e refinaria y a ofrese e miho ciga, whiskey, cuminda cu su equipo ainda bisti.

Despues tambe el a haya e cabey boto di su bida pa cas den un auto mane un Rolls Royce. Tempo cu el a emprende su propio negoshi

Lago a regale tur e maquinaria pa drecha y traha piesa pa barco. E persona aki tabata mi tata Joseph Oduber.

Na el mi a dedica un buki cu mi a skirbi "Ease Neck Pain" na unda mi ta relata con mi a yega na e concepto pa mi por yuda otro hende tambe mane mi a logra yuda mi mes. Un caminda largo yena cu retonan cu hopi informacion con pa preveni, evita y cuida e neck cu ta e connection valioso pa nos ta salu.

Tin mas cu 125 condicion



cu por ta nunca un hende por a pensa cu e problema ta den e nek. Bishita mi website na unda por aprecia e producto aki cu por worde cumpra den formato di buki

electronico y mas. Esnan cu ta interesa den e combonan, lo ta pronto obtenible na Botica y/of Libreria local. www.easeneckpain.org